

廣雅疏證
補正

東方學會印

殷禮在斯堂叢書目錄

廣雅疏證補正一卷

據手稿移錄足本

爾雅郝注刊誤一卷

據手稿移錄本

吳潘二家今樂府二卷

稿本

三朝大議錄一卷

稿本

金陵野鈔一卷

稿本

南都死難紀略一卷

稿本

平叛記一卷

舊鈔本

善隣國寶記三卷

日本舊鈔本

廬山記五卷

日本元祿刊足本

歷代山陵考一卷

明鈔本

茶史一卷

明鈔本

皇華紀程一卷

手稿本

續百家姓印譜考略一卷

手稿本

畏壘筆記四卷

足剞本

冷齋夜話十卷

日本五山本

續墨客揮犀十卷

舊鈔本

遺山新樂府五卷

舊鈔本

虞山人詩三卷補遺一卷

舊鈔本

塔影園集五卷

原稿本不分卷今編文四卷詩一卷

乙丑集一卷

手稿本

都二十種五十九卷

總目

廣雅疏證補正

高郵 王 念孫

自序 凡字之譌者五百八十改五百七十八 脫者四百九十改四百九十一

上廣雅表 以釋其意義注乙神仙傳二十六字改爾雅
釋訓釋文引張揖雜字云訓者謂字有意義也襄二十
九年穀梁傳云此致君之意義也 文不違古注乙後
漢書曹褒傳十九字改臧氏在東曰張稚讓言叔孫通
撰置禮記不違爾雅然則大戴禮記中當有爾雅數篇
為叔孫氏所取入故白虎通義引禮親屬記男子先生
稱兄後生稱弟女子先生為姊後生為妹文出釋親風
俗通義引禮樂記大者謂之產其中謂之仲小者謂之
篤文出釋樂公羊宣十二年注引禮天子造舟諸侯維

舟卿大夫方舟士特舟文出釋水孟子帝館甥于貳室
趙注引禮記妻父曰外舅謂我舅者吾謂之甥文出釋
親則禮記中之有爾雅信矣

卷第一上

釋詁

業始也 注業猶創也下補莊子秋水篇云將忘子之故
失子之業

令龍君也 注令君也下補韓子初見秦篇云立社稷主
置宗廟令 乙賈子容經篇云十四字改呂氏春秋介
立篇注云龍君也

方旁袞大也 注方者下乙堯典云二十字於方大也下
補墨子非攻篇云其土之方未至有數百里也人民之
衆未至有數十萬也楚策方船積粟史記張儀傳方作

大是方與大同義 旁注加墨籤云逸周書世俘解旁
生魄孔晁注云旁廣大月大時也 衮注乙後漢書馮
緄十二字改呂氏春秋大樂篇注云渾讀如衮冕之衮
仁虞有也 注加墨籤云廣韻佳則卧切有也仁字疑佳
字之謫一切經音義三之六七之十二十三之五引白
虎通虞樂言天下之民皆有樂也

抵薦至也 注抵雲陽抵與氏通改河渠書自中山西邸
瓠口為渠氏邸竝與抵通 義竝與抵通改義亦與抵
同 臻至也下補藝文類聚引書大傳云薦至也

乃替廷往也 注是乃為往也下補阮籍為鄭冲勸晉王

戲聖上覽乃昔以來禮典舊章乃昔謂往昔也 聲竝
相近下補楚語左史倚相廷見申公子亹韋昭注云廷
見見於廷也長子引之云下文云子亹不出則在家非

在朝也不得言廷見廷當為廷廷往也謂往至子亶之家而請見故下文云子亶不出也下文又云闔且廷見令尹子常廷亦廷之謚

黨穀善也 注史記夏紀作美言黨謹昌聲近義同改管子霸形篇云仲父盍不當言黨謹當昌竝聲近而義同慤謹也下補祭義云慤善不違身

聆從也 注古通作令下補商子算地篇云故國有不服之民主有不令之臣 呂氏春秋為欲篇下補云字

悌倫順也 注心順行篤也下乙孝經云三十三字改孟子滕文公篇注云悌順也荀子修身篇云端慤順弟弟與悌同 倫之言順也下補莊子天運篇云夫至樂者一盛一衰文武倫經謂順其經也

容類援瀍也 注與鍾會同下補太元中次三首尾信可

以為庸范望注云庸法也庸與容通 拱抹者下乙長

子二字 類注加墨籤云太元毅次七觥羊之毅鳴不

類測曰觥羊之毅言不法也 謂之援頭是也下補援

猶憲也管子宙合篇云迹求履之憲憲援語之轉耳

期頤老也 注養道而已下補古辭滿歌行百年保此期

頤亦以期頤二字連讀

款誠也 注款誠重也下乙楚辭十五字改荀子修身篇

云愚款端慤

厲方也 注其義一也下補故魏風伐檀篇寘之河之側

兮傳云側猶厓也毛

下接以厲為水旁得之

榦正也 注貞正也下補文選西京賦注引薛君韓詩章

句云榦正也 虞翻注下乙云榦正也四字改與薛君

同

愾臆滿也

注許氣二反下乙謂氣滿也四字

廣雅作

嘒下乙說文釳怒戰也五十八字改哀公問君行此三者則愾乎天下矣鄭注云愾猶至也家語大婚解與此同王肅注云愾滿也案愾訓為滿於義為長行此三者則愾乎天下猶孔子閒居言致五至而行三無以橫於天下也憑噫即愾臆之轉下乙說文十萬曰億百五十五字改小雅楚茨篇我倉既盈我庾維億億盈亦語之轉也易林乾之師云倉盈庾億漢巴郡太守樊敏碑云持滿億盈是億即盈也我黍與與我稷翼翼翼翼猶與與也我倉既盈我庾維億維億猶既盈也此億字但取盈滿之義而非紀其數與萬億及秬之億不同傳以萬萬為億箋以十萬為億皆失之襄二十五年左傳今陳介恃楚衆以馮陵我敝邑不可億逞億逞即億盈言

其欲不可盈滿也文十八年傳云侵欲崇侈不可盈厭
意與此同盈與逞古同聲而通用左氏春秋昭二十三
年沈子逞穀梁作沈子盈左氏傳樂盈史記作樂逞又
左氏傳昭四年逞其心以厚其毒新序善謀篇逞作盈
皆其證也杜注訓億為度逞為盡皆失之漢書賈誼傳
衆人惑惑好惡積意意者滿也言好惡積滿於中也李
奇云所好所惡積之萬億薛瓚云衆懷好惡積之心意
皆失之

極遠也

注極遠也下補史記三王世家云極臨北海

隱安也

注據定也下補漢析里橋郿閣頌云改解危殆

即便求隱

畏亟敬也

注畏者下補鄭注曲禮云心服曰畏孟子公

孫丑篇云吾先子之所畏也

謹重兒下補漢成陽靈

臺碑云齊革精誠 亟恆下補革字

更棄也 注莊子天地篇下乙子往矣七字 乏廢也下

補僖十年左傳云失刑之祀

從隨駕行也 注服字並譌作般今俱訂正下補從者夏

小正晉人不從傳云不從者弗行 達然而往下補隨

者皋陶謨隨山刊木史記夏本紀隨作行 駕者下補

張注漢書司馬相如傳云駕行也 金口而木舌下乙

是駕為行也五字

疥癢卬疔痺病也 注疔與疔通疥讀為疥自讀為疥乙

八十七字改義見下條 亦孔之卬下乙巧言篇七字

毛傳下乙鄭箋竝三字 卬病也下補韓詩外傳云

詩曰匪其止共惟王之卬言不共其職事而病其主也

說文疔下小腹痛也改心腹病也下又乙玉篇云七

字 今據以訂正下補凡隸書從寸之字或書作𠂔故
疒字或作𠂔因譌而為床漢衛尉衡方碑遵尹鐸之導
導字作導廣雅釋言篇利切也利字作利是其例也
瘕女病也改瘕瑕也 瘕脹張竝通府者府改作疒
棄戈也 乘注加墨籤云方言六之五物無耦曰特畧無
耦曰介飛鳥曰隻鴈曰乘管子地員篇二有三分而去
其乘尹知章注乘三分之一也揚雄解嘲乘鴈集不為
之多隻鳬飛不為之少 蜀義相因也下乙管子形勢
篇三十字

將陶旅養也 注將養也下乙淮南子原道訓云十三字

改墨子尚賢篇云食饑息勞將養其萬民 方言陶養
也秦曰陶下補太元元攤資陶虛無而生乎規範望注
云陶養也旅者漢書武帝紀云旅耆老復孝敬旅耆老

即王制所謂養耆老也顏師古注云加惠於耆老之人若賓旅失之

哀也 注哀愛也下乙檀弓云十四字改樂記肆直而慈

愛者鄭注云愛或為哀

撝蘇攄拊取也 注撝取也下補漢竹邑侯相張壽碑云

略涉傳記矯取其用矯與撝通 蘇猶部斂之也下補

管子法禁篇云漁利蘇功 索亦取也下乙史記淮陰

侯傳二十二字 今俗語猶呼五指取物曰攄下補墨

子天志篇云踰人之牆垣担格人之子女 拊注加墨

籤云大戴禮禮察篇人主胡不承殷周秦事以觀之乎

承取也漢書賈誼傳承作引引亦取也故晉語引黨以

封己韋昭注云引取也 原注在據者上

殢極也 注加墨籤云呂刑人極于病

恻怛憂也

注恻與恻同下補賈子容經篇云喪紀之容

恻然懾然若不還

愁貌也下補太元內次三坎我西

堦范望注云坎憂也

欲與恻通改欲坎竝與恻通

圻分也圻改折下補注圻字

注斲甕破也義竝與斯通

下乙圻各本譌作折四十四字改折者鄉飲酒禮乃設

折俎鄭注云牲體枝解節折在俎少儀以牛左肩臂臠

折九个注云折斷分之也楚辭九章令五帝以折中兮

王注云折猶分也

班與班通下補圻者說文圻裂也

解釋文引廣雅圻分也衆經音義卷一卷六卷十七引

廣雅竝與釋文同今本脫圻字

廢壞也

注靡損也下補淮南子說山訓云比干以忠靡

其體

佺搖疾也

注史記五帝紀幼而佺齊集解云佺疾齊速

也二徇字均改作徇 楚辭九章下補云字 願搖起而橫奔兮下補淮南子原道訓云疾而不搖

沃美也 注沃美也下補襄二十五年左傳注云衍沃平美之地

敵輩也 注秦晉之間物同者謂之臺敵下乙耦也二字作慙也 注荀子孺效篇無所疑慙下補莊子讓王篇行修於內者無位而不作

卷第一下

釋詁

慙慙勸也 注聳獎也下補獎與將古字通故方言作將史記衡山王傳日夜從容勸之漢書作將養將養即慙慙之轉

儻臣也 注臺給臺下微名也微名改徵召

孺嬰好也 注畜君何尤即好君何尤下補呂氏春秋適

威篇民善之則畜也不善則讐也高誘注云畜好也

說文嬰媢也下乙秦晉謂細要曰嬰七字

蛻毼解也 注今俗語猶謂鳥獸解毛為毼毛下乙毼毼

六字又補矣字 方言掎易也掎脫也下補改論衡道

虛篇云龜之解甲蛇之脫皮鹿之墮角隋掎墮義竝與

毼相近

駢強也 注駢同也下補說文攸很也莊子齊物論篇大

勇不攸攸與駢亦聲近義同

孺生也 注李頤注云孚乳而生也下補大荒東經云東

海之外大壑少皞孺帝顓頊于此

福盈也 注福字當從衣今本從示亦傳寫誤也下補韓

詩外傳福乎天地之間者德也謂盈乎天地之間也今